



BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Communicaziun a las medias
Ils 7 da zercladur 2022

Grafica da l'expressiunissem dals 18 da zercladur fin ils 11 da december 2022

"*Scadin tutga tar nus, ch'exprima immediatamain e libramain quai ch'al timunescha da lavurar.*" – Programmaticamain cumenza l'expressiunissem cun in entagl en lain. L'onn 1906 stampa Ernst Ludwig Kirchner, sco in dals iniziants da la Brücke (1905), il program da la gruppa d'artists sco grafica. Las cundiziuns materialas e tecnicas da la grafica han permess a las artistas ed als artists da l'expressiunissem da chattar las premissas idealas per lur interess e per lur pretensiuns ad ina nova chapientscha dal art. Cun lingias expressivas e cun surfatschas reducidas ha la grafica marcà uschia la lavur artistica d'ina entira generaziun d'artistas ed artists.

Ultra d'admirar ils maletgs a format grond ed a colurs intensivadas da l'expressiunissem, envida l'exposiziun a s'avischinar – en in dialog a pitschna distanza – a las litografias, a las gravuras ed als entagls en lain cun la forza expressiva da las ovras d'art impressiunantas d'artistas ed artists sco Ernst Ludwig Kirchner, Erich Heckel, Otto Mueller, Emil Nolde, Max Beckmann, Paula Modersohn-Becker, Käthe Kollwitz, Hermann Scherer, Albert Müller u Werner Neuhaus.

Tematicamain cumpiglian las lavurs il spectrum da l'existenza umana tanter la vita en las grondas citads e l'idilla en la natira, mussan parcs e cafés, variété e saut sco er cuntradas, accidents da viafier e scenas nocturnas. Preschentaziuns expressivas sin purtrets confrunteschan directamain las contempladras ed ils contempladers. Entant ch'en il motiv *Dunnas che fan bogn* sa reflectescha l'intimitad dal format, dattan munds muntagnards massivs perditga da l'influenza che la Svizra, sco lieu da referiment, ha gi en la cuntrada d'art.

L'exposiziun vegn curada da Stephan Kunz.

La chaschun per la preschentaziun da la collecziun è l'exposiziun che avra parallelamain «Hermann Scherer. Crennas e chantuns» (18-06 – 25-09-2022).

Orientaziun a las medias

Gievgia, ils 16 da zercladur 2022, 10.00

Museum d'art dal Grischun, Cuir

(Annunzia: kathrin.gartmann@bkm.gr.ch, tel. 081 257 28 65)

Vernissascha

Venderdi, ils 17 da zercladur 2022, 18.00

Exposiziun

18-06 fin ils 11-12-2022

Mardi fin dumengia, 10.00 – 17.00

Gievgia, 10.00 – 20.00

Occurrenz

Infurmaziuns davart las occurrenz actualas chattais Vus sin la pagina d'internet dal Museum d'art dal Grischun sut www.buendner-kunstmuseum.ch.

Contact per las medias

Museum d'art dal Grischun, Cuir

Stephan Kunz

Directur artistic

T +41 81 257 28 61

stephan.kunz@bkm.gr.ch